

陳氏解毒防風湯 六四

方在痘疹五六

治痘疹毒氣熾盛

散腫潰堅湯 六五

治瘰癧堅硬氣血無虧宜用之

柴胡

黃芩

各四分

白芍藥

炒

升麻

連翹

黃柏

酒炒

蓬朮

三稜

酒拌微炒

乾葛

歸尾

各三分

知母

酒炒

龍膽草

酒炒

天花粉

桔梗

昆布

各五分

炙甘草

二分

右水煎服

瓜蒞托裏散

六六

治瘡瘍毒盛者未成則易消已成則易潰

既潰則生肌

黃瓜萋

一個
杵碎

忍冬藤

乳香

各一
兩

蘇木

五錢

沒藥

三錢

甘草

二錢

右用酒三碗煎二碗空心日午臨睡分三服○或以此為末

酒糊丸彈子大硃砂為衣細嚼用當歸酒送下治打撲損傷

尤妙

萬金散

六七

一名內托散○治癰疽已潰未潰者有消毒破

血之功

括萋

一個
杵碎

沒藥

一錢
研

大甘草節

二錢

右用酒二碗煎一碗去粗後入沒藥服

製甘草湯 六八

治懸癰不拘腫潰亦治癰疽

用大甘草一兩切三寸長用澗水一碗浸透以慢火炙乾仍
投前水浸透再炙至水乾爲度却挫細用無灰酒二鍾煎七
分空心服嘗有人患此已破服兩劑瘡卽合○一國老膏方
用大甘草二斤以河水浸取漿汁去粗用銀石器熬成膏磁
罐收貯每服一二匙酒調服或水亦可尤解丹藥之毒○一
方治癰疽用生甘草爲末酒調服二錢連進數服自消

梅花飲子 六九

癰疽初起服之可防毒氣內攻

川芎

乾葛

天花粉

黃芪

烏梅

甘草

蘇木

各一兩

忍冬藤

四兩

右作四劑水煎服

牛膠散 七十

治癰疽使毒不內攻不傳惡證有益無損

牛皮膠

廣中明者四兩

右用酒一碗重湯煮化加酒服至醉不能飲者加白湯

明膠飲子 七一

治一切癰疽癩毒

明廣膠

蛤粉炒珠

粉甘草

各一兩

橘紅

五錢

右作三劑水煎服

護心散 七二

解金石砒硫發疽之毒

綠豆末 一兩

明乳香 半兩
研細

右以生甘草煎湯調時時與呷務使藥氣常在膈間

清心內固金粉散 七三

一名金花散 ○解毒清心流行氣血

散滯清火凡焮腫熱痛飲食如常者大宜用之

綠豆

四兩
研末

硃砂

另研

人參

甘草

白茯苓

各三錢

朴硝

另研

白豆蔻

各五分

麝香

另研

雄黃

各一錢

冰片

五分

右為末每服一二錢蜜湯調下

蠟礬丸

七四

一名黃礬丸○治金石發疽一切癰疽托裏止
疼痛護臟腑神妙不問老少皆可服之

黃蠟

一兩黃色佳者溶開離火入礬末○一方止用七

錢

白礬

一兩明亮淨者研末

右二味和勻衆手急丸桐子大每服二三十丸漸加至四五

十丸熟水或鹽湯送下日進二三服服至三四兩之上愈見

其功矣○如服金石發疽別用白礬末一兩作三五服溫酒

調下尤效○有人遍身生瘡狀如蛇頭名曰蛇頭瘡尤宜服

之○治蛇蝎毒虫咬傷熔化熱塗傷處痛止毒出仍服兩許
○此方不惟止痛生肌而已其護膜止瀉消毒化膿及內癰
排膿托裏之功甚大

千金化毒丸

七五

治諸惡毒

用白礬三錢糊丸以葱頭七莖煎湯送下則腫痛俱退再用
仙方活命飲二劑以去其餘毒此本方原用礬末以葱湯調
服因湯難服故易爲丸○一方士治瘡疽不問腫潰先用此
藥二三服後用消毒藥甚效常治芻蕘之人用此卽退不用
托裏藥亦愈若金石毒藥發疽者尤效蓋礬能解金石之毒

也○一方用礬末五錢硃砂五分熱酒下亦效此藥托裏固
內止瀉解毒排膿不動臟腑不傷氣血有益無損其藥易得
其功甚大偏僻之處不可不知此方或虫蛇所傷溶化熱塗
患處更以熱酒調末服皆效

五福化毒丹 七六

治咽喉牙口瘡毒腫痛並小兒一切熱毒

瘡癩驚惕煩躁口舌生瘡夜臥不寧等證

玄參

桔梗

各二兩半

茯苓

三兩半

人參

牙硝

青黛

各一兩

甘草

七錢半

麝香

少許

金箔

二十片

右爲末煉蜜丸茨實大每服一丸薄荷湯化下○若痘毒上
攻口齒生瘡以生地黃汁化服及用鷄翎掃敷患處

奪命丹 七七

治疔瘡發背等證或麻木或嘔吐重者昏憤此

藥服之不起者卽起不痛者卽痛痛甚者卽止昏憤者卽甦
嘔吐者卽解未成者卽消已成者卽潰有奪命之功乃惡證
中之至寶也

蟬酥 酒化

輕粉

麝香 各五分

枯礬

寒水石 煨

銅綠

乳香

沒藥 各一錢

硃砂 三錢

蝸牛 二十個另研無亦可

右爲末用蝸牛或酒糊搗丸綠豆大每服二三丸溫酒葱湯下或用葱白三四寸病者自嚼爛吐於手心包藥在內用熱酒和葱送下如人行五七里汗出爲效重者再服一二丸或外用一丸入瘡孔內以膏藥貼之

飛龍奪命丹 七八 治一切疔瘡毒瘡出汗則愈神效

乾蟾酥 二錢 乳化 沒藥 礪砂 寒水石 煨

雄黃 各三錢 乳香 硃砂 嚼成餅者真

枯礬 各一錢 輕粉 冰片 各五分 蜈蚣 一條去頭酒浸焙乾

蝸牛 四十九個研爲膏或無亦可

右各研爲細末取蝸牛蟾酥研勻入諸末熟杵丸綠豆大硃砂爲衣每服四五丸嚼葱白一口吐在手心將藥包葱內用溫酒吞下須臾汗出或少吐瀉毒即解

立齋曰前回生丹乃慄悍攻毒之劑也蓋無經不至無氣不動者後奪命丹尚緩若食一切禽畜毒物及瘡脈浮緊細數毒畜在內並惡毒證凡宜汗吐者當用前丹有神效若老弱之人或瘡毒稍輕者宜用後丹或更以隔蒜灸之爲良

回生丹 七九

李願顏先生口授非泛常之藥萬寶之秘專治

一切疔毒並有神效

金脚信

明礬砂

明乳香

半夏

上紅丹

各五分

巴豆肉

不去油

明雄黃

大南星

南礬砂

各一錢

大班貓

十五個去頭足翅

右為細末旋取蟾酥和丸麻子大硃砂為衣每服十五丸好

酒下看瘡生上下食前後服能飲者至醉為佳凡腫毒失治

毒氣入腹用此藥能起死回生服藥後吐瀉俱作乃甦

通氣散

八十

治時毒瘡甚咽喉不利取嚏以泄其毒

玄參

一錢

牙皂

川芎

各一錢

藜蘆

五分一方無此

羊躑躅花

二錢半

右爲末用紙撚蘸少許入鼻內取嚏爲度○按此方止用皂
角川芎北細辛三味卽可亦不必熬蘆躑躅之毒品也總不
若通關散爲妙方在因陣九十八

梔子仁湯 八一

方在寒陣十九

治發熱狂躁咽喉腫痛

六味梔子仁湯 八二

治時毒腫痛大便秘結脈沉數

山梔 炒

枳殼

大黃 煨

升麻

牛旁子 炒

鬱金 等分

右水煎服或爲細末每服三錢蜜水調下

清肝益營湯 八三

治肝膽小腸經風熱血燥筋攣結核或耳

項胸乳脇肋作痛並一切肝火之證

山梔

當歸

木瓜

不犯鐵

茯苓

各一錢

柴胡

芍藥 炒

川芎

各七分

龍膽草

八分

白朮 二錢

熟地 一錢半

炙甘草

五分

右薑水煎服

清心湯 八四

治瘡瘍腫痛發熱飲冷脈沉實睡語不寧右方

即防風通聖散每料加黃連五錢每劑用一兩水煎服方在

攻陣十六

濟陰湯 八五

治瘍毒純陽腫痛發熱

連翹 二錢

山梔 炒

黃芩 炒

黃連 炒

甘草 各一錢

芍藥 一錢半

牡丹皮 一錢二分

金銀花 三錢

水煎服○大便若秘量加大黃

地骨皮散 八六

治瘡瘍氣虛內熱煩渴不寧

人參

黃芪

生地黃

地骨皮

柴胡 各一錢半

白茯苓

石膏 煨

知母 各一錢

水薑煎服

一味苦參丸 八七

治一切癰疽毒瘡焮腫作痛或煩躁

苦參 不拘多少為末

右用水糊丸桐子大每服二三錢溫酒下

陳氏苦參丸 八八

治遍身搔痒癬疥瘡瘍

苦參 四兩

玄參

黃連

大黃

獨活

枳殼

防風

各二兩

黃芩

梔子

菊花

各一兩

右為末煉蜜丸桐子大食後茶酒任下三四十丸日三服

五利大黃湯 八九

治時毒焮腫赤痛煩渴便秘脈實而數

大黃 煨

黃芩

升麻

各二錢

芒硝

梔子 各一錢半

水一鍾半煎六分空心熱服

清涼飲 九十

治癰瘍熱毒熾盛大便秘結○此即前連翹消

毒散

連翹 一兩

大黃

山梔子

薄葉

黃芩 各五錢

甘草 一兩半

朴硝 二錢半

右每服一兩水煎服

宣毒散 九一

治一切癰毒其功不可盡述

大黃 煨

白芷 各五錢